

02-July-2026

आकाशवाणी

खबरां जगमोहन शर्मा कोला

पैहले खास-खास खबरां:-

1. प्रधानमंत्री नरेन्द्र मोदी होर अज्ज नमीं दिल्ली च जापान दी प्रधानमंत्री सनाए ताकाइची हुंदे कन्नै गल्लबात करडन। एह गल्लबात दौनें पक्खें गी आपसी हितें दे मुद्दें दी समीक्षा ते दपक्खी सहयोग मजबूत बनाने दा मौका देग।
2. कर्मचारी भविष्य निधि संगठन EPFO नै 2025- 26आहले माली बरे लेई जमा प्रोविडेंट फंड पर आधिकारिक तौरा पर सवा 8 प्रतिशत सूद दर गी गै अधिसूचित कीता ऐ।
3. भारत सरकार नै इलैक्ट्रानिक्स ते सूचना टेक्नोलोजी मंत्रालय राएं Whats App दी संस्थापक कम्पनी मेटा गी इक नोटिस जारी कीता ऐ।
4. दिल्ली सरकारें स्यालें दौरान उत्थे बधने आहले स्मॉग ते वायु प्रदूषण दी समस्या कन्नै निबडने लेई इक स्थाई Winter Pollution Master Plan अधिसूचित करी दिता ऐ।
5. फीफा विश्व कप च बेल्जियम नै शानदार वापसी करदे होई सेनेगल गी बाददू समे च 3- कन्नै हराइयै 2Round of 16 च प्रवेश करी लैता ऐ।
6. भारत ते इंग्लैंड बश्कार डरहम च खेडया गेदा पैहला टी-20 मकाबला उप्परोतली जारी बारश कारण रद्द होई गेआ।

<><><><><>

PM-Japan PM Talks

प्रधानमंत्री नरेन्द्र मोदी होर अज्ज नमीं दिल्ली च जापान दी प्रधानमंत्री सनाए ताकाइची हुंदे कन्नै गल्लबात करडन। एह गल्लबात दौनें पक्खें गी आपसी हितें दे मुद्दें दी समीक्षा ते दपक्खी सहयोग मजबूत बनाने दा मौका देग। गल्लबात मगरा किश सहमति पत्रें पर दस्तखत कीते जाने दी मेद ऐ। प्रधानमंत्री ताकाइची कल संजा भारत दे त्रै दिन दे दौरें पर नमीं दिल्ली पुज्जियां हियां। एह भारत दी उन्दी पैहली आधिकारिक यात्रा ऐ। विदेश मंत्रालय नै आखेआ ऐ जे भारत ते जापान बश्कार विशेष रणनीतिक ते वैश्विक सांझेदारी ऐ ते एह यात्रा इसी अग्रे लेई जाने च सहायक होग। साइडे संवाददाता नै दस्सेआ जे दौनें मुखें दे सरबंधें च आर्थिक सुरक्षा सब्बनें थमां महत्वपूर्ण पैहलु न।

<><><><><>

US-Iran

ईरान ते अमरीका बश्कार अप्रतक्ख वार्ता कल कतर दी राजधानी दोहा च मध्यस्थ दी मजूदगी च होई। कतर सरकार दे मताबक दौनें पक्खें ईरान दे साबका सर्वोच्च नेता अली खामेनेई हुंदे 9 जुलाई गी खीरी संस्कार दे बाद चर्चा जारी रखने पर सहमति जताई ऐ। अमरीका दे उपराष्ट्रपति J.D. Vans होरें आखेआ जे दोहा वार्ता ठीक ढंग्गें नै अग्रे बदा रदी ऐ। उनें गलाया जे अगले चरण दी वार्ता च ईरान दे परमाणु कार्यक्रमें पर चर्चा होग।

तौआई ईरान दे उप-बदेश मंत्री होरें दस्सेआ जे गल्लबात च 14 सूत्री सैहमति पतरें पर अमल दा मुद्दा मुख रेहा। दौनै पक्खें बश्कार होर्मुज जल डमरु मध्य च जारी तनोतनी पर बी गल्लबात होई। ईरान नै आखेआ जे सब्बनैं ज्हाजें गी ओदे आसेआ मंजूर कीता गेदा रस्ता गै अपनाना चाहिदा।

<><><><><>

EPFO

कर्मचारी भविष्य निधि संगठन EPFO नै 2025-26 आहले माली बरे लेई जमा प्रोविडेंट फंड पर आधिकारिक तौरा पर सवा 8 प्रतिशत सूद दर गी गै अधिसूचित कीता ऐ। श्रम ते रोजगार मंत्रालय आसेआ इस ब्याज दर गी मंजूरी थोने दे बाद संगठन नै अपने सब्बनैं क्षेत्रीय दफतरें गी सूद दी एह रकम मिम्बरें दे खातें च जमा करने दे निर्देश दिते न। इस घोषणा कन्नै पिछले बरे आहली दर पर गै सूद लगगोग-प्रोविडेंट जमा कराने आहले 7 करोड़ कोला मते मलाजमें गी एहदा फैयदा पुज्जोग ते खजाना ते श्रम मंत्रालयें दी मंजूरी दे बाद एह सूद आहली रकम तौले गै सदस्यें दे खातें च मुतकिल होई जाहग।

<><><><><>

Meity -Whats App Notice

भारत सरकार नै इलैक्ट्रानिक्स ते सूचना टेक्नोलोजी मंत्रालय राएं Whats App दी संस्थापक कम्पनी मेटा गी इक नोटिस जारी कीता ऐ। सरकार नै एह कदम Whats App पर औने आहले यूजरनेम फीचर गी लेइयै पुट्टेआ ऐ ते कम्पनी कोला त्रुंउ दिनें दे अंदर-अंदर एहदे पर जवाब मंगी भेजेया ऐ। सरकार दा मन्नना ऐ कि विजन मोबाईल नम्बर सांझा कीते दे छड़ा यूजरनेम राए चैटिंग होने कन्नै ऑनलाईन फ्राड, फिशिंग-डिजिटल अरेस्ट स्कैम ते फर्जी पंछान यानि इम्पर्सनेशन जनेइयां साइबर अपराधे दियां घटना बधी सकदियां न। सरकार नै साफ निर्देश दिता ऐ कि जिलसै धोड़ी इस मुद्दे पर पूरी चर्चा ते सलाह सूत्र दी प्रक्रिया तोढ़ नैई चढ़ी जंदी उच्चर भारत च इस फीचर गी शुरु नैई कीता जाहग।

<><><><><>

Delhi Pollution

भारत सरकार नै इलैक्ट्रानिक्स ते सूचना टेक्नोलोजी मंत्रालय राएं Whats App दी संस्थापक कम्पनी मेटा गी इक नोटिस जारी कीता ऐ। पर्यावरण ते जंगलात मैहकमे आसेया जारी इस नमें ढांचे दे तैहत एह नियम हर बरे पैहली नवम्बर कोला लेइयै 28 फरवरी तगर अपने-आप लागू होई जागंन ते हुन हर बरे बक्खरे-बक्खरे इमरजेंसी आर्डर जारी करने दी लोड़ नैई होग। इनें नियमें मुजब बाहरा औने आहली गड़ियें पर रोक रौहग। निर्माण कम्में पर बी पाबंदी लगगी दी रौहग ते पार्किंग फीस बी पैहली नवम्बर थमां 28 फरवरी तगर दूनी लगोग।

<><><><><>

FIFA

फीफा विश्व कप च बेल्जियम नै शानदार वापसी करदे होई सेनेगल गी बाददू समें च 3-2 कन्नै हराइयै Round of 16 च प्रवेश करी लैता ऐ। हुन Round of 16 च बेल्जियम दा मुकाबला अमरीका ते बोस्निया ते हर्जे गोविना बश्कार होने आहले मैच दे विजेता कन्नै होग। इक होर मैच च कल इंग्लैंड नै कांगो गी 2-1 कन्नै हराई दिता। हुन 6 जुलाई गी Round of 16 च इंग्लैंड दा मुकाबला मैक्सिको कन्नै होग।



Men's Cricket

भारत ते इंग्लैंड बश्कार डरहम च खेडया गेदा पैहला टी-20 मकाबला उप्परोतली जारी बारश कारण रद्द होई गेआ। मैच च छडी पैहली पारी गै होई सकी जेहदे च भारत नै 20 ओवरें च 7 विकेटां मोहाड्यै 189 रन्ज बनाए। एहदे मगरा बरखा लग्गी गई ते दुई पारी च इक बी गेंद नेंई कराई जाई सकी। भारत दी उआं शुरुआत ठीक नेंई रेही पर कप्तान श्रेयस अय्यर दे 68 रन्ज ते अभिषेक शर्मा दे 59 रन्ज दे बाद शिवम दूबे नै बी तगड़ी खेड्ड दा प्रदर्शन कीता।

एहदे कन्नै गै 5एं मैच दी श्रृंखला 0-0 कन्नै बराबरी पर ऐ। श्रृंखला दा अगला ते दुआ मैच 4 जुलाई गी मैनचेस्टर दे ओल्ड ट्रैफर्ड स्टेडियम च खेडया जाहग जेहड़ा भारती समें दे मताबक संज्रा 7 बजे शुरु होग।



Amarnath Yatra

जम्मू-कश्मीर दे उपराज्यपाल मनोज सिन्हा होरें अज्ज बड्डले जम्मू दे भगवती नगर आहले आधार शिविर थमां श्री अमरनाथ यात्रा दे पैहले जत्थें गी रवाना कीता। 57 दिनें तगर चलने आहली एह सालाना यात्रा कल्ले थमां कश्मीर घाटी दे पहलगाम ते बालताल आहले दौनें रस्ते राएं शुरु होग। एह सालाना यात्रा 28 अगस्त गी रक्खड़ पुन्नेआ आहले दिन सम्पन्न होई जाग। एह यात्रा अनंतनाग जिले दे नुनवान-पहलगाम रस्ते ते गादरबल जिले दे बालताल आहले रस्ते राएं हुंदी ऐ। यात्रा लेई पंजीकरण ऑनलाईन ते ऑफलाईन दोनें माध्यमें राएं उपलब्ध ऐ ते यात्रा थमां पैहले गै लगभग 4 लक्ख श्रद्धालुएं यात्रा लेई अपना पंजीकरण करोआई लैते दा ऐ। जम्मू दे भगवती नगर आहले आधार शिवर थमां रवाना होए दे श्रद्धालुएं च खासा उत्साह ऐ ओह बम्म-बम्म भोले, हर-हर महादेव दे जयकारे लांदे होई निकले।



LG- Tawi Aarti

उपराज्यपाल मनोज सिन्हा होरें कल श्री अमरनाथ जी दी यात्रा थमां पैहले ते इस यात्रा पर आए दे श्रद्धालुएं दे सोआगत च तवि आरती ते Light & Sound Show दा उदघाटन कीता। इस मौके पर बोलदे होई उ'नें आखेआ जे एह पवित्र यात्रा आस्था, अनुशासन ते आध्यात्म दा प्रतीक ऐ। उ'नें मुख्य भरै थमां श्रद्धालुएं गी इस पवित्र यात्रा च शामिल होने आस्तै साददा दिता।

इत्थे एह दस्सना लाजमी ऐ जे जम्मू च तवि दे कंडे पर इक व्यापक धार्मिक ते सांस्कृतिक कार्यक्रम तवि आरती दा सरिस्ता कीता जा'रदा ऐ। एदा मकसद मुकामी संस्कृति, विरसे ते आध्यात्म आहली भावना गी दर्शना ऐ।



Weather

मौसम विभाग नै आखेआ ऐ जे अगले दंऊ दिनें दे दरान दक्खन पच्छिम मानसून दे दिल्ली- हरियाणा-चंडीगढ़-पंजाब-उत्तरी अरब सागर- गुजरात- मध्य प्रदेश--उत्तर प्रदेश ते राजस्थान पुज्जने दी मेद ऐ। कर्नाटक दे समुन्दरी इलाकें सनें गुजरात-कोंकण-गोवा ते मध्य-महाराष्ट्र च अगले दंऊ दिनें दरान मौलेधार बरखा बरी सकदी ऐ। छत्तीसगढ़-हिमाचल प्रदेश-मध्य प्रदेश-ओडिशा-सौराष्ट्र-कच्छ-उत्तराखंड

ते विदर्भ च अगले 3 दिन ऐसा गै मौसम बने दे रौहने दी संभावना ऐ। बिहार-अंदरूनी कर्नाटक-जम्मू/कश्मीर-लद्दाख- झारखंड-कैरलम-
माहे- तेलंगाना-उत्तर प्रदेश ते उत्तर पूर्वी खेतर दे किश हिस्से च शनिवार धोड़ी तेज बरखा होग।

<><><><><><>

Assam Flood

केन्द्र सरकार नै असम गी हाई दे हालात कन्ने निबड़ने लेई हर मुमकिन सहयोग देने दा पूरा भरोसा दोआया ऐ। केन्द्री राई-बाई मंत्री शिव राज सिंह चौहान ते संसदी मामले दे मंत्री किरें रिजिजू होरें असम दे हाई सवां प्रभावत इलाकें दा दौरा कीता ते ओहदे बाद कल संजा इक जायजा बैठक च केन्द्र दी तरफा हर मुमकिन सहयोग दा जकीन दोआया। राज्य सरकार कन्ने मिलियै NDRF ते SDRF दियां टीमां लोकें गी सुरक्षित बचाने ते राहत सामग्री बंडने च लगगी दियां न। केन्द्र सरकार राज्य दा नुकसान दिक्खियै पूरा राहत पैकेज ते मुआवजा जारी करोग। एहदे इलावा सरकार नै उ'न लोके गी बी बक्खरे तौरा पर मदाद देने दा जकीन दोआया ऐ जिंदे घरें गी हाड़े कारण नुकसान पुज्जा ऐ।

<><><><><><>

Read by	:	Jagmohan Sharma
Stand by	:	Vijay Bajaj
D.E.O.	:	Rajni Devi
Skilled	:	Rajat Paul
Editor	:	Kunal Shrivatsa